

Հավելված  
Հաստատված է  
ՀՀ հանրային ծառայությունները  
կարգավորող հանձնաժողովի  
2005 թվականի մայիսի 25-ի  
N 60-Ն որոշմամբ

ՊԱՅՄԱՆԱԳԻՐ \_\_\_\_\_

ՀԱՇՎԱՐԿԱՅԻՆ ԿԵՆՏՐՈՆԻ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ  
(արտահանող-հաշվարկային կենտրոն)

" \_\_\_\_\_ " \_\_\_\_\_ 200\_ թվական \_\_\_\_\_ ք. \_\_\_\_\_

(Էլեկտրական էներգիայի արտահանման Լիցենզիա ունեցող ընկերության անվանումը)

այսուհետ՝ Պատվիրատու, ի դեմս \_\_\_\_\_

(պաշտոնը, անունը, ազգանունը)

ղեկավարվելով ընկերության կանոնադրությամբ, գործունեության Լիցենզիայով,  
Հայաստանի Հանրապետության օրենքներով եւ այլ իրավական ակտերով, մի կողմից, եւ

(Էլեկտրաէներգետիկական շուկային հաշվարկային կենտրոնի ծառայության  
մատուցման Լիցենզիա ունեցող ընկերության անվանումը)

այսուհետ՝ Կատարող, ի դեմս \_\_\_\_\_

(պաշտոնը, անունը, ազգանունը)

ղեկավարվելով ընկերության կանոնադրությամբ, գործունեության Լիցենզիայով,  
Հայաստանի Հանրապետության օրենքներով եւ այլ իրավական ակտերով, մյուս կողմից,  
այսուհետ համատեղ կոչվելով Կողմեր, կնքեցին սույն պայմանագիրը հետեւյալի  
մասին.

## 1. Պայմանագրում օգտագործված հասկացությունները

Հանձնաժողով՝ Հայաստանի Հանրապետության հանրային ծառայությունները  
կարգավորող հանձնաժողով.

Հաշվարկային ամիս՝ Ժամանակահատված, որի գործողությունը սկսվում է  
օրացուցային ամսվա առաջին օրվա ժամը 00.00-ին եւ ավարտվում օրացուցային ամսվա  
վերջին օրվա ժամը 24.00-ին.

Ֆորս մաժոր՝ արտակարգ եւ անկանխելի դեպքեր եւ հանգամանքներ, որոնք  
ստեղծվել են Կողմի կամքից անկախ, ներառյալ (սակայն չսահմանափակվելով  
դրանցով) բնական աղետները, բնության ուժերի արտասովոր ուժեղ դրսեւորումները,  
ինչպես, օրինակ, ջրհեղեղները, երկրաշարժերը, փոթորիկները, պտտահողմերը, մաել  
սաբոտաժային գործողություններ, ահաբեկչություններ, պատերազմներ,  
ապստամբություններ, հասարակական անկարգություններ, գործադուլներ, որոնք  
խոչընդոտում են Կողմի գործունեությունը կամ հանգեցնում նրա ստանձնած  
ցանկացած պարտավորության կատարման ձգձգման կամ դադարեցման՝ հակառակ նրա  
կողմից գործադրված ջանքերի՝ խուսափելու, թուլացնելու կամ վերացնելու այդ  
ուժերի ազդեցությունը:

## 2. Պայմանագրի առարկան

2.1 Կատարողը հաշվարկային կենտրոնի ծառայություններ է մատուցում  
Պատվիրատուին, իսկ Պատվիրատուն վճարում է մատուցված ծառայությունների համար՝

սույն պայմանագրով սահմանված կարգով:

### 3. Կողմերի պարտականությունները

3.1 Կողմերը պարտավոր են ղեկավարվել "Էներգետիկայի մասին" Հայաստանի Հանրապետության օրենքով, այլ օրենքներով եւ իրավական ակտերով, սույն պայմանագրով, գործունեության լիցենզիայով:

3.2 Կատարողը պարտավոր է.

ա) հաշվառել Պատվիրատուին առաջված էլեկտրաէներգիան (հզորությունը)՝ Հանձնաժողովի 2004 թվականի նոյեմբերի 16-ի N 149-Ն որոշմամբ հաստատված "Հայաստանի Հանրապետությունից էլեկտրական էներգիայի արտահանման" եւ 2004 թվականի սեպտեմբերի 16-ի N 110-Ն որոշմամբ հաստատված "Էլեկտրաէներգիայի (հզորության) հաշվառման" կարգերի համաձայն,

բ) կազմակերպել էլեկտրաէներգիայի (հզորության) առուվաճառքի (արտադրող-արտահանող) պայմանագրի N 3, էլեկտրաէներգիայի հաղորդման ծառայության մատուցման (արտահանող-հաղորդող) պայմանագրի N 1 հավելվածներում նշված առեւտրային եւ վերստուգիչ հաշվառքի սարքերի եւ դրանց միացման շղթաների ստուգումն ու կապարակնումը՝ շահագրգիռ կողմերի մասնակցությամբ:

3.3 Պատվիրատու պարտավոր է սույն պայմանագրի համաձայն վճարել Կատարողին՝ վերջինիս մատուցած ծառայությունների դիմաց:

### 4. Վճարման կարգը

4.1 Պատվիրատուին հաշվարկային կենտրոնի ծառայությունների մատուցման սակագինը սահմանում է Հանձնաժողովը:

4.2 Մինչեւ Հաշվարկային ամսվան հաջորդող ամսի 15-ը Կատարողն իր մատուցած ծառայությունների համար կազմում է հաշիվ-ապրանքագիր եւ ներկայացնում Պատվիրատուին:

4.3 Պատվիրատուն վճարում է Կատարողին մատուցած ծառայությունների համար՝ մինչեւ Հաշվարկային ամսվան հաջորդող ամսի 25-ը:

4.4 Կատարողին իր մատուցած ծառայությունների համար վճարումներն իրականացվում են միայն դրամական միջոցներով:

### 5. Կողմերի պատասխանատվությունը

5.1 Սույն պայմանագրի պայմանները չկատարելու կամ ոչ պատշաճ կատարելու դեպքում Կողմերը պատասխանատվություն են կրում սույն պայմանագրով եւ Հայաստանի Հանրապետության օրենքներով սահմանված կարգով:

5.2 Սույն պայմանագրի 4.3 կետում նշված վճարման ժամկետի խախտման դեպքում Հաշվարկային ամսվան հաջորդող ամսի 30-ից Պատվիրատուն վճարում է տույժ՝ ուշացրած յուրաքանչյուր օրվա համար չվճարված գումարի 0.1 տոկոսի չափով: Ընդ որում, առաջնահերթության կարգով վճարվում է տույժը, ապա չվճարված գումարը:

### 6. Ֆորս մաժորային իրավիճակներ

6.1 Սույն պայմանագրի պայմանները չկատարելու կամ ոչ պատշաճ կատարելու համար Կողմերն ազատվում են պատասխանատվությունից, եթե դրանք ֆորս մաժորի հետեւանք են:

6.2 Կողմերը պարտավոր են վերոհիշյալ վճարների մասին անհապաղ տեղեկացնել միմյանց՝ նշելով դրանց հետեւանքների վերացման հնարավոր ժամկետները:

### 7. Տարածայնությունների լուծումը

7.1 Պայմանագրի առնչությամբ Կողմերի միջեւ ծագած վեճերը լուծվում են բանակցությունների միջոցով, իսկ անհրաժեշտության դեպքում՝ Հանձնաժողովի միջնորդությամբ՝ նրա կողմից սահմանված կարգով: Սույն պայմանը չի սահմանափակում Կողմերի իրավունքը՝ վեճերը լուծելու դատական կարգով:

7.2 Եթե տարածայնության առարկան Կատարողի կողմից իր մատուցած ծառայությունների համար ներկայացված հաշիվ-ապրանքագիրն է, ապա ցանկացած դեպքում Պատվիրատուն պարտավոր է ստորագրել այն եւ կատարել վճարումը, որից հետո միայն լուծել տարածայնությունը: Պատվիրատուն իրավունք ունի ստորագրած

հաշիվ-ապրանքագրին կցել հատուկ կարծիք:

8. Լրացուցիչ պայմաններ

8.1 Էլեկտրաէներգիայի (հզորության) առուվաճառքի (արտադրող-արտահանող) պայմանագրի N 3, էլեկտրաէներգիայի հաղորդման ծառայության մատուցման (արտահանող-հաղորդող) պայմանագրի N 1 հավելվածներում նշված առեւտրային եւ վերստուգիչ հաշվառքի սարքերի սպասարկումն ու շահագործումն ապահովվում են համապատասխան սեփականատերերի կողմից՝ իրենց միջոցներով: Առեւտրային եւ վերստուգիչ հաշվառքի սարքերը փոխարինելու անհրաժեշտության դեպքում այդ աշխատանքները կազմակերպում է Կատարողը՝ ներգրավելով բոլոր շահագրգիռ կողմերին:

9. Այլ պայմաններ (կազմում են Կողմերը)

\_\_\_\_\_  
\_\_\_\_\_  
\_\_\_\_\_

10. Պայմանագրի գործողության ժամկետը եւ փոփոխման կարգը

10.1 Պայմանագիրն ուժի մեջ է մտնում Հանձնաժողովում գրանցման պահից եւ գործում է մինչեւ 200\_\_ թվականի \_\_\_\_\_:

10.2 Պայմանագիրը կարող է փոփոխվել փոխադարձ համաձայնությամբ: Փոփոխված պայմանագիրն ուժի մեջ է մտնում Հանձնաժողովում գրանցման պահից:

10.3 Հանձնաժողովի կողմից հաշվարկային կենտրոնի ծառայությունների մատուցման (արտահանող-հաշվարկային կենտրոն) պայմանագրի նոր օրինակելի ձեւ հաստատելու կամ գործող օրինակելի ձեւում փոփոխություններ կամ լրացումներ կատարելու դեպքում Կողմերը պարտավոր են Հանձնաժողովի սահմանած ժամկետում կնքել նոր պայմանագիր կամ համապատասխան փոփոխություններ կամ լրացումներ կատարել գործող պայմանագրերում՝ ներկայացնելով այն Հանձնաժողովի գրանցմանը: Պայմանագիրն ուժի մեջ է մտնում Հանձնաժողովում գրանցվելու պահից:

10.4 Պայմանագիրը կազմված է երեք օրինակից՝ մեկական Կատարողի, Պատվիրատուի եւ Հանձնաժողովի համար:

11. Կողմերի գնվելու վայրը եւ հաշվարկային համարները՝

Պատվիրատու՝  
գնվելու վայրը \_\_\_\_\_  
Հ/հ \_\_\_\_\_

Կատարող՝  
գնվելու վայրը \_\_\_\_\_  
Հ/հ \_\_\_\_\_

Հեռախոս  
Ֆաքս  
Գործունեության Լիցենզիա N  
Ղեկավար

Հեռախոս  
Ֆաքս  
Գործունեության Լիցենզիա N  
Ղեկավար

(ստորագրությունը, անունը,  
ազգանունը)

(ստորագրությունը, անունը,  
ազգանունը)

Կ.Տ.

Կ.Տ.

\_\_\_\_\_  
| Հայաստանի Հանրապետության հանրային ծառայությունները կարգավորող հանձնաժողով |  
| |  
| Գրանցված է " \_\_\_\_ " \_\_\_\_\_ 200 \_\_\_\_ թվական |  
| |  
| Գրանցման N \_\_\_\_\_ Կ.Տ. |  
| |  
| Պատասխանատու \_\_\_\_\_ |  
| (ստորագրությունը, անունը, ազգանունը) |  
\_\_\_\_\_